



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

ZL.Anr.69/2025

Paneli Zgjedhor për Ankesa dhe Parashtresa (PZAP), i përbërë nga gjyqtarët: Ramush Bardiqi - kryesues, Kujtim Pasuli dhe Hidajete Gashi Alaj anëtarë, duke vendosur përkitazi me ankesën e Rustem Mehmeti, nga subjektit politik Partia Demokratike e Kosovës (PDK), me seli në Prishtinë, dega në Vushtri, të paraqitur kundër, Sylejman Mehollit, nga subjekti politik Lëvizja Vetëvendosje (LVV), me seli në Prishtinë, dega në Vushtri, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë Fushatës Zgjedhore për Zgjedhjet Lokale në Republikën e Kosovës që do të mbahen me datën 12 Tetor 2025, në seancën e panelit të mbajtur më 29.09.2025, merr këtë:

V E N D I M

HEDHET E PASAFATSHME ankesa ZL.Anr.69/2025 e datës 26.09.2025 e paraqitur nga Rustem Mehmeti, nga subjektit politik Partia Demokratike e Kosovës (PDK), me seli në Prishtinë, dega në Vushtri, kundër, Sylejman Mehollit, nga subjekti politik Lëvizja Vetëvendosje (LVV), me seli në Prishtinë, dega në Vushtri, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë Fushatës Zgjedhore për Zgjedhjet Lokale në Republikën e Kosovës që do të mbahen me datën 12 Tetor 2025.

A r s y e t i m

Me datë 26.09.2025 PZAP-i, ka pranuar një ankesë ZL.Anr.69/2025 nga Rustem Mehmeti, nga subjektit politik Partia Demokratike e Kosovës (PDK), me të cilën pretendon se gjatë fushatës zgjedhore në lokalitetin free shop "Elli" rruga Dalip Badivuku kanë vendosur vizitkartelat e mija për reklamim. Sipas paraqitësit të ankesës një person ka shkuar dhe ka mbyllura vizitkartat e kandidatit Rustem Mehmetit me ato të Sylejman Mehollit, kjo ngjarje sipas paraqitësit të ankesës ka ndodhur me datën 23.09.2025. I njëjti thekson se kjo është shkelje pasi që i është mohuar marketingu në atë pikë. Si dëshmitë ankesës i ka bashkëngjitur disa fotografi.

Në përgjigjen në ankesë subjekti politik LVV thekson se ngjarja e pretenduar ka ndodhur më datën 23.09.2025, megjithatë, nga vula pranuese protokolluese e PZAP, e cila gjendet në faqen e parë të formularit, rezulton se ankesa është dorëzuar më 26.09.2025, në orën 16:05, pra dukshëm jashtë afatit ligjor prej 48 orësh. Sipas nenit 39, para. 3, i paraparë edhe me nenin 9 të Rregullores nr. 01/2025 për procedurat e parashtrimit dhe vendosjes së ankesave, ky afat

llogaritet në orë dhe nuk mund të jetë më i gjatë se 48 orë nga momenti i shkeljes së pretenduar. Për më tepër, Rregullorja nr.01/2025, në nenin 13 përcakton shprehimisht se PZAP hedh ankesën nëse ajo nuk është dorëzuar brenda afatit të paraparë ligjor, në këtë rast, për shkak të vonesës së dukshme, ankesa është pasafatshme dhe nuk mund të shqyrtohet në aspektin merititor, dhe kërkon nga PZAP-i, që ankesa të hedhet e pasafatshme.

Paneli, pasi që shqyrtoj te gjitha shkresat e lëndës, konstatoi se:

-Ankesa është e pasafatshme.

Paneli, pas shqyrtimit të pretendimeve ankimore ka gjetur se ankesa e parashtruar nga Rustem Mehmeti, nga subjekti politik Partia Demokratike e Kosovës (PDK), me seli në Prishtinë, dega në Vushtrri, të paraqitur kundër, Sylejman Mehollit, nga subjekti politik Lëvizja Vetëvendosje (LVV), me seli në Prishtinë, dega në Vushtrri, është parashtruar pas afatit ligjor të përcaktuar me dispozitën ligjore të nenit 39 paragrafi 3 i Ligji Nr.08/L-228 për Zgjedhjet e Përgjithshme në Republikën e Kosovës (LZP), në të cilin nen në mënyrë decitive thuhet se: *“Personi i cili ka interes ligjor në një çështje brenda juridiksionit të PZAP-it, ose të drejtat e të cilit janë shkelur për sa i përket shkeljeve të pretenduara të Kodit të Mirësjelljes për subjektet politike, mbështetësit e tyre dhe kandidatët gjatë periudhës së fushatës zgjedhore dhe ditës së zgjedhjeve, mund të paraqes ankesë në PZAP brenda dyzet e tetë (48) orëve nga ndodhja e shkeljes së supozuar, dhe PZAP-i, do të vendos për ankesën brenda shtatëdhjetë e dy (72) orëve nga koha e pranimit të saj, si dhe neni 13, paragrafi 3, nën paragrafi 3.2 i Rregullores Nr.01/2025 për Procedurat e Parashtrimit dhe Vendosies së Ankesave të PZAP-it, në të cilin nen në mënyrë decitive thuhet se “PZAP-i e hedhë ankesën kur vlerëson se ajo nuk përmbush kërkesat e LZP-së dhe kësaj rregullore për shqyrtim, nën paragrafi 3.2. nuk është dorëzuar në afatin e paraparë ligjor”.*

Me dispozitën e nenit 9 paragrafi 5 i Rregullores Nr.01/2025 për Procedurat e Parashtrimit dhe Vendosies së Ankesave, parashihet që: *“Personi mund të paraqes ankesë në PZAP, brenda dyzet e tetë (48) orëve për shkeljet e pretenduara, ndërsa nën paragrafi 5.5 parasheh që: “për shkeljet e pretenduara të Kodit të Mirësjelljes për Subjektet Politike, Mbështetësit e tyre dhe Kandidatët”.*

Pra, nga shqyrtimi i shkresave të lëndës, konstatohet se, ankesa është parashtruar pas afatit ligjor për paraqitjen e ankesës, sipas nenit 39, paragrafi 3 i LZP-së, ku afati për dorëzimin e ankesës është 48 orë nga ndodhja e shkeljes së supozuar. Në rastin konkret nga provat e prezantuara nga pala ankuese e njëjta thekson se shkelja ka ndodhur me datën 23.09.2025, ndërsa ankesa është dorëzuar në PZAP më datë 26.09.2025, pra një (1) ditë më vonë nga shkelja për të cilën pretendon pala në ankesën e tij, e që nënkupton se ankesa në fjalë është paraqitur pas afatit ligjor prej 48 orësh nga ndodhja e shkeljes së supozuar.

Paneli ka gjetur se ankesa është parashtruar pas afatit të paraparë ligjor, dhe duke u bazuar në nenin 39, paragrafi 3 të LZP-së, dhe nenet 9 paragrafi 5 dhe 13 paragrafi 3 pika 3.2 të Rregullës

01/2025 për Procedurat e Parashtrimit dhe Vendosjes së Ankesave, vendosi si në dispozitiv të këtij vendimi.

PANELI ZGJEDHOR PËR ANKESA DHE PARASHTRESA
ZL.Anr.69/2025 datë 29.09.2025

Kryesues i Panelit
Ramush Bardhi



Këshilla Juridike: Kundër këtij vendimi është e lejuar ankesa sipas nenit 118 par. 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimi të këtij vendimi